



ოქმი:ო37. 37232977

თარიღი:24/10/2023

ოზურგეთის მუნიციპალიტეტის საკრებულოს წევრის ბექა თოიძის ანგარიშის მოსმენის სხდომის

ოქმი

2023 წელი, 18 ოქტომბერი

სოფ. მაკვანეთი

15:00 საათი

თავმჯდომარეობდა: დავით დარჩია-მუნიციპალიტეტის საკრებულოს
თავმჯდომარე

ესწრებოდნენ : საკრებულოს წევრის ამომრჩევლები, კოლეგები.

საკრებულოს აპარატის პასუხისმგებელი პირები.

ანგარიშის მოსმენის დაწყებამდე სხდომის თავმჯდომარე დავით დარჩია მიესალმა დამსწრეთ, ამომრჩევლებს - აღნიშნა, რომ მიმდინარეობს საკრებულოს რეგლამენტით გათვალისწინებული საქმიანობის ერთ-ერთი მნიშვნელოვანი და საპასუხისმგებლო ეტაპი-საკრებულოს წევრების მიერ წლის განმავლობაში გაწეული მუშაობის ანგარიშის ჩაბარება. რომ ბექა თოიძე არის საუკეთესო მაჟორიტარი დეპუტატი სოფ.მაკვანეთი-ლიხაური-ჭანიეთის. ის არის მუნიციპალიტეტის საკრებულოში სივრცით- ტერიტორიული დაგეგმარებისა და ინფრასტრუქტურის კომისიის თავმჯდომარე. ისაუბრა საკრებულოს წევრის ბ. თოიძის კეთილსინდისიერებაზე, ერთგულებასა და ამომრჩევლებისადმი გულისხმიერ დამოკიდებულებაზე.

საკრებულოს წევრმა ბ. თოიძემ საკრებულოს რეგლამენტის 131 -ე მუხლის შესაბამისად წარმოადგინა მის მიერ საანგარიშო პერიოდში როგორც საკრებულოს, ფრაქციასა და კომისიებში, ამომრჩევლებთან, მუნიციპალიტეტის მერიის სამსახურებთან ერთობლივად გაწეული მუშაობის ანგარიში. ისაუბრა საანგარიშო პერიოდში ამომრჩევლების მიერ დაყენებული პრობლემების გადაწყვეტის მიზნით გაწეულ საქმიანობაზე. ინფრასტრუქტურულ პროგრამებზე, სოფლებში განხორციელებულ სამუშაოებზე და სამომავლო გეგმებზე. გასაკეთებელი კიდევ ბევრია აღნიშნა ბ.თოიძემ. მომავალი წლისთვის დასრულდება თანამედროვე საჯარო სკოლის მშენებლობა სოფ. მაკვანეთში.საბავშვო ბაღის მოწესრიგება და ინვენტარიზაცია. ასევე კეთილმოეწყობა და დასრულდება გზები განათებით და სანიაღვრე არხებით

ამომრჩევლებმაც და კოლეგებმაც მაღალი შეფასება მისცეს წარმოდგენილ ანგარიშს. საკრებულოს წევრის ბექა თოიძის საქმიანობა შეფასებულია დადებითად და უსურვეს მას წარმატებები მომავალ საქმიანობაში. ამომრჩევლებმა აღნიშნეს, რომ მათი რჩეული დეპუტატი ბ. თოიძე არის ამომრჩევლების გვერდში მდგომი და ის არ იმსახურებს შენიშვნებს ამომრჩევლების მხრიდან. აღნიშნეს, რომ ის პროფესიონალურად უდგება ყოველ პრობლემას, კოლეგიურად, ურთიერთთანამშრომლობით აგვარებს პრობლემატურ საკითხებს, წარმატებები უსურვეს მომავალ საქმიანობაში.

გამოთქმულ შეფასებებს დაეთანხმა სხდომის თავმჯდომარე დავით დარჩია და აღნიშნა, რომ ანგარიში სრულად პასუხობს რეგლამენტის მოთხოვნებს, უსურვა წარმატებები მომავალ მუშაობაში.

ამომრჩევლების და დამსწრეთა საერთო აზრით, სხდომის თავმჯდომარის დავით დარჩიას წინადადებით, საკრებულოს წევრის ანგარიში შეფასდა დამაკმაყოფილებლად.

დავით დარჩია

ოზურგეთის მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

